


შეზღუდული შესაძლებლობების მქონე პირთათვის განკუთვნილი პროგრამების ფარგლებში განეული დაფინანსების სტატისტიკური მაჩვენებლების დინამიკა და ანალიზი 2017-2021 წლებში

ბადრი გიორგიძე

ეკონომიკის აკადემიური დოქტორი
სოხუმის სახელმწიფო უნივერსიტეტის
ასოცირებული პროფესორი
<https://orcid.org/0000-0002-9658-8579>
badri.giorgidze2011@gmail.com



ანოტაცია

საზოგადოება, სადაც ყველა ადამიანი ერთნაირად აზროვნებს, აქვთ ერთნაირი ღირებულებები თუ მისწრაფებები, ერთნაირი საჭიროებები, ერთნაირი სურვილები და მათ მისაღწევად ერთნაირ გზებს სახავენ, სადაც ყველა ადამიანის ქცევა ერთნაირია, ცხადია, რომ არაა საინტერესო და ასეთი საზოგადოების წევრობა არც არავის მოუწდება. ბუნებრივია, რომ ამგვარ საზოგადოებაში ყველაფერი ერთსახოვანი, პროგნოზირებადი და „რუხია“. არასოდეს ყოფილა დავის საგანი ის აქსიომა, რომ საზოგადოების განვითარებისა და მისი პროგრესის აუცილებელი პირობაა ადამიანთა განსხვავებულობა თავისი ინტერესებით, აზროვნების სტილით, გემოვნებით, შესაძლებლობებით, უნარებითა თუ ღირებულებებით. „განსხვავებულობა არის ნორმა¹ და საზოგადოების ქცევის პატერნი მორგებული უნდა იყოს განსხვავებულობის აღიარებასა და მიმღებლობაზე“.

სამწუხარო ფაქტია, რომ ჩვენი საზოგადოების გარკვეულ ნაწილს ყოველდღიური ბრძოლისა და მნიშვნელოვანი ძალისხმევის ჩადება უწევს იმისათვის, რომ მიიღოს სასურველი განათლება, დასაქმდეს მისთვის საინტერესო სფეროში ან უბრალოდ, იმისათვის, რომ მოიპოვოს საზოგადოებრივ აქტივობებში მონაწილეობის უფლება. ზემოაღნიშნულის ერთადერთი მიზეზი კი ისაა, რომ ის შესაძლებლობები და საჭიროებები, რომელიც ამ ადამიანებს გააჩნიათ არ არის იმის მსგავსი, რაც აქვს ადამიანთა საშუალო უმრავლესობას.

ამგვარ ჯგუფს მიეკუთვნებიან შეზღუდული შესაძლებლობისა და სპეციალური საჭიროების მქონე პირებიც.

კარგა ხანია რიგი ქვეყნებისთვის წარსულში დარჩა მიდგომა, სადაც შეზღუდული შესაძლებლობის მქონე პირები სრულიად დამოუკიდებელ ჯგუფად აღიქმებოდა, საერთოდ არ განიხილებოდა მათთვის განათლების მიღებისა თუ მათი საზოგადოებრივ ცხოვრებაში ამა თუ იმ ფორმით ჩართულობის საკითხი. მტკივნეული რეალობაა, რომ საქართველოს უახლოეს წარსულშიც კი არსებობდა არაერთი ოჯახი, რომელთაც მიაჩნდათ,

რომ სამარცხვინოა მათი შეზღუდული შესაძლებლობის მქონე ოჯახის წევრის საზოგადოებაში გამოჩენა და რომ ისინი, გადაუდებელი აუცილებლობით გამოწვეული შემთხვევების გარდა, სახლში უნდა ყოფილიყვნენ. შესაბამისად, ეს უკანასკნელნი ვერ იღებდნენ განათლებასა და არანაირი ფორმით არ იყვნენ ჩართულნი საზოგადოებრივი ცხოვრების არცერთ სფეროში.

შშმ პირთა კეთილდღეობის უზრუნველყოფისათვის ჩვენი საზოგადოების მხრიდან „წინგადადგმული ნაბიჯი“ აღმოჩნდა მათდამი გამოხატული მზრუნველობა და ქველმოქმედება. ადამიანთა ურთიერთობის ყველაზე ჰუმანური ფორმა რომ ემპათიაა, ამაზე ხომ არასოდეს და არავინ დაობს, მაგრამ მნიშვნელოვანია გვესმოდეს, რომ შშმ პირებთან ურთიერთობა არც ერთ შემთხვევაში არ უნდა გულისხმობდეს სიბრაულეს. აღნიშნული ურთიერთობა მიზნად უნდა ისახავდეს ამ ადამიანთა გაძლიერებას და მათთვის არა მხოლოდ იმგვარი დახმარების მიწოდებას, რაც თავის თავში არ მოიაზრებს მათი გაძლიერების შემდგომ პროცესს.

სტატიაში საუბარია სტატისტიკური ინფორმაციის მოპოვების ფორმებსა და მეთოდებზე, განხილულია ქალაქ თბილისის მუნიციპალიტეტის მერიის მიერ, 2017-2021 წლებში, შეზღუდული შესაძლებლობის მქონე პირთა გაძლიერებისათვის განხორციელებული პროგრამები და შესაბამისი სტატისტიკური მაჩვენებლები.

საკვანძო სიტყვები: ანგარიშგება, ბიუჯეტი, ბენეფიციარი, ბენეფიტი.

ციტირებისთვის: შეზღუდული შესაძლებლობების მქონე პირთათვის განკუთვნილი პროგრამების ფარგლებში განეული დაფინანსების სტატისტიკური მაჩვენებლების დინამიკა და ანალიზი 2017-2021 წლებში, ჟურნალი „ბიზნესი და კანონმდებლობა“, №3, 2022 წ. გვ. 50-57.

1 ბ. ჯონსენი, მ. შორტენი განათლება-შეზღუდული შესაძლებლობის მქონე პირთა განათლება. ნიჟუზ ოლაგ. ოსლო. 2001

DYNAMICS AND ANALYSIS OF THE STATISTICAL MEASURES OF THE FUNDING PROGRAMS FOR PEOPLE WITH DISABILITIES IN YEARS 2017-2021

Badri Giorgidze

Academic Doctor of Economics

Associate Professor of Sokhumi State University

<https://orcid.org/0000-0002-9658-8579>

badri.giorgidze2011@gmail.com

ABSTRACT

A society in which everyone thinks the same, has the same ideals or ambitions, the same requirements, the same desires, and draws the same paths to reach them, is plainly not fascinating, and no one wants to be a member of such a society. It is natural in such a society for everything to be uniform, predictable, and "grey." The assumption that variety of individuals with their interests, thinking methods, preferences, abilities, skills, and values is an essential prerequisite for the development and evolution of society has never been contested. "Diversity is the norm,¹ and society's behavior pattern should be tailored to the acknowledgment and acceptance of difference."

It is an unfortunate reality that a segment of our society must battle on a daily basis and exert substantial effort in order to obtain the necessary education, acquire employment in an area of interest to them, or just win the right to participate in public events. The main explanation for this is that these people's capabilities and requirements differ from those of the general population.

People with impairments and special needs are also

1 B. Johnsen, M. Shorten; Education- education of persons with disabilities. Nipub Olag. Oslo. 2001 Nipub Olag. Oslo.2001

included in this category.

For a long time, a number of nations maintained a strategy in which persons with disabilities were viewed as a wholly isolated group, with no discussion of obtaining them an education or including them in public life in any manner. It is a tragic truth that, even in Georgia's recent past, many families considered that it was embarrassing for their disabled family member to appear in public and that they should stay at home unless in emergency circumstances. As a result, they were unable to obtain an education and were excluded from all aspects of public life.

Our society's "step forward" in ensuring the well-being of individuals with impairments turned out to be expressing concern and charity for them. No one disagrees that empathy is the most humanitarian kind of human interactions, but it is critical to remember that relationships with disabled people should never entail pity. The described connection should try to strengthen these individuals rather than simply supplying them with such assistance, which does not involve the subsequent process of their strengthening.

The article examines the forms and methods of acquiring statistical information, as well as the initiatives performed by the City Hall of Tbilisi Municipality for the empowerment of disabled people between 2017 and 2021, as well as the related statistical indicators.

Keywords: reporting, budget, beneficiary, benefit.

For citation: Takalandze L., Digital Transformation: Importance, Challenges and European Union Policy, Business & Law, No. 3, 2022, 50-57.

შესავალი

იმის გათვალისწინებით, რომ 2021 წელსაც თბილისში მაცხოვრებელი 35 688 ოჯახი, ანუ თბილისელი მოსახლეობის დაახლოებით 10,2%, რაც 122 258 პირს შეადგენს, საარსებო შემწეობას სახელმწიფოსგან იღებს (2021 წელს გაცემული შემწეობის თანხამ აღნიშნულ პირებზე შეადგინა 103 583 349 ლარი), კვლავ ძალზედ აქტუალური და მნიშვნელოვანია სოციალური თემები. ამ მიმართულებით განხორციელებული პროგრამები კი განსაკუთრებულ დატვირთვასა და ღირებულებას იძენს.

მოსახლეობის სოციალური კვლევის შესახებ ინფორმაციის მოპოვება ხდება ანგარიშგების, სპეციალურად ორგანიზებული სტატისტიკური დაკვირვების და რიგი სხვა სტატისტიკური მეთოდების გამოყენებით.

ნაშრომის შესრულების მიზანი იყო ქალაქ თბილისის მუნიციპალიტეტის მერიის მიერ დაფინანსებული შეზღუდული შესაძლებლობის მქონე პირთათვის განკუთვნილ პროგრამებში ჩართულ ბენეფიციართა

რაოდენობრივი მაჩვენებლების (რიგ შემთხვევებში სექსობრივ და რიგ შემთხვევებში ასაკობრივ ჭრილში ჩაშლილი), ქალაქ თბილისის მუნიციპალიტეტის მერიის მიერ აღნიშნული პროგრამების განხორციელებისათვის გამოყოფილი თანხებისა და მათი დინამიკის შესწავლა 2017-2021 წლების განმავლობაში. აღნიშნული კვლევის მიზნისა და ამოცანების მისაღწევად გამოყენებულ იქნა სოციოლოგიური კვლევის როგორც თვისებრივი, ისე რაოდენობრივი მეთოდები.

ნარმოდგენილ თემასთან დაკავშირებული მონაცემების შეგროვება კი მოხდა ე.წ. „სამაგიდე კვლევის“ ანუ მეორადი მონაცემების ანალიზის მეთოდით (მოიცავდა სახელმწიფო პოლიტიკის დოკუმენტების, ქალაქ თბილისის მუნიციპალიტეტის მერიის ჯანმრთელობისა და სოციალური დაცვის საქალაქო სამსახურის მონაცემების, ასევე არასამთავრობო და საერთაშორისო ორგანიზაციების მიერ ჩატარებული კვლევების შესწავლასა და ანალიზს).

მოცემულ სტატიაში განხილულია რიგი სოციალური პროგრამები, რომელსაც ახორციელებს ქალაქ თბილისის მუნიციპალიტეტის მერია და ნაჩვენებია აღნიშნული პროგრამების ფარგლებში მერიის მიერ განეული მომსახურებისა და ფინანსური დახმარების დინამიკა 2017-2021 წლებში.

ძირითადი ტემსტი

ქალაქ თბილისის მუნიციპალიტეტის მერია ახორციელებს შეზღუდული შესაძლებლობების მქონე პირთათვის განკუთვნილ შემდეგ პროგრამებს:

- შეზღუდული შესაძლებლობების მქონე პირთა საზოგადოებაში ინტეგრაციის ხელშეწყობა;
- შეზღუდული შესაძლებლობების მქონე ბავშვთა და მოზარდთა საკურორტო მომსახურება;
- სოციალურად დაუცველი 18 წლამდე შეზღუდული შესაძლებლობის მქონე პირების დახმარება.

1. შეზღუდული შესაძლებლობების მქონე პირთა საზოგადოებაში ინტეგრაციის ხელშეწყობა

პროგრამა გულისხმობს შეზღუდული შესაძლებლობების მქონე პირთა საზოგადოებაში ინტეგრაციის მიზნით, შუამდგომლობის, მათი წარმომადგენელი ორგანიზაციების პროექტების, ასევე სერვისის მიმწოდებელი ორგანიზაციების და შუამდგომლობის სხვა საჭიროებების დაფინანსებას და მოიცავს შემდეგ მომსახურებებსა და ღონისძიებებს:

- სხვადასხვა საჭიროებებისა და აქტივობების ხელშეწყობის უზრუნველყოფა;
- კულტურულ-შემოქმედებითი ღონისძიებების განხორციელების ხელშეწყობა;
- განათლებისა და შემეცნებითი აქტივობების ხელშეწყობა;
- სხვა საჭიროებებით უზრუნველყოფა.

აღნიშნული პროგრამის ბენეფიციარები არიან შუამდგომლობის მქონე პირები და მათი წარმომადგენელი ან სერვისის მიმწოდებელი ორგანიზაციები.

2017-2018-2019 წლებში შეზღუდული შესაძლებლობის მქონე პირთა ან მათ წარმომადგენელთა განცხადებების რაოდენობის დიდი წილი კოხლეარული იმპლანტის მოთხოვნაზე მოდი (შესაბამისად - 55%, 46%, 37%). 2020 წლისთვის თანაბარია კოხლეარული იმპლანტისა და სმენის აპარატის მოთხოვნაზე შესული განაცხადების რაოდენობა (25-25 განაცხადი - (23%)). რაც შეეხება 2021 წელს, 43%-ს უტოლდება სმენის აპარატის დაფინანსების მოთხოვნასთან დაკავშირებული განაცხადების პროცენტული წილი (41 განაცხადი).


მონაცემთა ანალიზი აჩვენებს, რომ წლების მიხედვით შეზღუდული შესაძლებლობის მქონე პირთა საზოგადოებაში ინტეგრაციის ხელშეწყობის პროგრამის ფარგლებში განხორციელებული პროექტებისა თუ განაცხადების ჯამური რაოდენობა მზარდია.

ქვემოთ მოყვანილი დიაგრამიდან ჩანს, რომ კოხლეარული იმპლანტის, სმენის აპარატის, მუხლის პროთეზისა და პროექტებთან დაკავშირებული განაცხადების რაოდენობათა უმრავლესობა კოხლეარული იმპლანტის დაფინანსებაზე მოდის და აღნიშნული მონაცემი 2017-2021 წლებში მერყეობს 8,4% - 55% შუალედში. ყველაზე ნაკლებ მოთხოვნადი კი მუხლის პროთეზის დაფინანსებაა და აღნიშნულ თემასთან დაკავშირებულ განაცხადებთა რაოდენობა მხოლოდ 1% - 6,3%-ის დიაპაზონშია მოქცეული.

დიაგრამაზე დატანილია 2017-2021 წლებში შეზღუდული შესაძლებლობის მქონე პირთა საზოგადოებაში ინტეგრაციის ხელშეწყობის პროგრამის ფარგლებში განხორციელებული პროექტების/განაცხადების რაოდენობის შესახებ მონაცემები.

დიაგრამა 1.

პროგრამის ფარგლებში განხორციელებული პროექტები/განაცხადები



- ა(ა)იპ სარეზილიტაციო და სოციალური ადაპტაციის ცენტრი "აისი";
- ა(ა)იპ ბავშვი ოჯახი საზოგადოება;
- (ა)იპ ასოციაცია ანიკა;
- ა(ა)იპ სმენის და მეტყველების დარღვევის მქონე პირთა ასოციაცია;
- ა(ა)იპ საქართველოს ფსიქიკური ჯამრთელობის ასოციაცია;
- ა(ა)იპ საქართველოს ყრუთა კავშირი;
- ა(ა)იპ კავშირი ადამიანები რომელიც განსაკუთრებულ ზრუნვას საჭიროებენ;
- ა(ა)იპ თავისუფალი პედაგოგიკის ცენტრი;
- ა(ა)იპ კავშირი ია ა(ა)იპ საქართველოს უსინათლოთა კავშირი;
- ა(ა)იპ ამიერკავკასიის ექიმთა ლიგა;
- (ა)იპ ახალგაზრდული მედია კავშირი;
- ა(ა)იპ მშობელთა ხიდი 33;
- ა(ა)იპ ინკლუზიური ტურიზმის ცენტრი პარსა;
- ა(ა)იპ საერთაშორისო განათლებისა და გლობალური კავშირების ასოციაცია „IEGNA“;
- ა(ა)იპ კავშირი ადამიანებისათვის განსაკუთრებულ ზრუნვას რომ საჭიროებენ;
- ა(ა)იპ მზის შვილები;
- ა(ა)იპ საქართველოს ახალგაზრდა ხელოვანთა ასოციაცია ხელოვნება საზოგადოებრივი ინტერესებისათვის;
- ა(ა)იპ საქართველოს დაუნის სინდრომის ასოციაცია;
- ა(ა)იპ საქართველოს ყრუთა კავშირი (თარჯიმან დაქტილოლოგიების მომსახურება);
- ა(ა)იპ საქართველოს ყრუთა კავშირი (წყესტური ენის სწავლება);
- ა(ა)იპ სმენისა და მეტყველების დარღვევის მქონე ბავშვთა დახმარების ასოციაცია;
- ა(ა)იპ რელიქვია;
- ა(ა)იპ ფონდი აურეს;
- ა(ა)იპ ოთახი ეზოში;
- ა(ა)იპ სამართლისა და თანასწორობის ცენტრი;
- ა(ა)იპ ახალგაზრდული მედია-კავშირი.

2. შეზღუდული შესაძლებლობების მქონე ბავშვთა და მოზარდთა საკურორტო მომსახურება

პროგრამა ითვალისწინებს შეზღუდული შესაძლებლობების მქონე პირთა საქართველოს სხვადასხვა კურორტზე დასვენების უზრუნველყოფას.

პროგრამის ბენეფიციარები არიან:

• თბილისში რეგისტრირებული 3-დან 21 წლამდე ასაკის მკვეთრად და მნიშვნელოვნად გამოხატული შშმ პირები;

• შშმ მოზარდების ჯანმრთელი ტყუპისცალი (ასეთის არსებობის შემთხვევაში);


პროგრამის ფარგლებში მომსახურების სახე და ოდენობა არის:

- მომვლელის თანხლებით შშმ პირთა დასვენება საქართველოს მთისა და ზღვის კურორტებზე;
- მინიმუმ სამჯერადი კვება;
- კეთილმოწყობილ საცხოვრებელ ადგილას ტრანსპორტირება და საჭიროების შემთხვევაში ფსიქოლოგიური და ამბულატორიული სამედიცინო მომსახურება;
- დანიშნული მკურნალობის უწყვეტობა (ასეთის აუცილებლობის შემთხვევაში);
- სპორტულ-გამაჯანსაღებელი ღონისძიებებით უზრუნველყოფა;
- ზღვის კურორტზე დასასვენებლად განსაზღვრულია 12 დღე;
- მთის კურორტზე დასასვენებლად განსაზღვრულია 12 დღე.

პროგრამის მოსარგებლებს საშუალება ჰქონდათ ესარგებლათ ქ. თბილისის მუნიციპალუტეტის მერიის მიერ გამოცხადებული ტენდერით გამოვლენილი მიმნოდებლების მომსახურებით ან ვაუჩერული სისტემით, რომლის ფარგლებშიც თავად აირჩევდნენ მომსახურების ადგილს, სასტუმროს და მომსახურების პირობებს მთელი საქართველოს მასშტაბით, გარდა თბილისისა. 2018 წლიდან პროგრამა მოქმედებს მხოლოდ ვაუჩერული პრინციპით. ვაუჩერით სარგებლობის ვადა განისაზღვრა ანაკლებ 6 დღე-ღამისა. ვაუჩერის ფასი 2017-2018 წლებში 700 ლარს შეადგენდა, ხოლო 2019-2021 წლებში კი - 800 ლარს.

2017-2021 წლებში ზემოაღნიშნული სერვისით ისარგებლა 7184-მა შეზღუდული შესაძლებლობის მქონე ბავშვმა და მოზარდმა. ვიზიტორთა საერთო რაოდენობის მეოთხედი 2017 წელსა (25%) და 2021 წელზე მოდის (23%). მსგავსია 2018, 2019 და 2020 წელს სერვისით მოსარგებლე ბენეფიციართა რაოდენობები და ისინი 14%, 19% და 19%-ს შეადგენს.


დიაგრამა 4
საქართველოს მთისა და ზღვის კურორტებზე დამსვენებელ შეზღუდული შესაძლებლობის მქონე ბავშვთა და მოზარდთა რაოდენობები 2017-2021 წლებში



ქალაქ თბილისის მუნიციპალიტეტის მერიის ჯანდაცვისა და სოციალური მომსახურების საქალაქო სამსახურის მიერ 2017-2021 წლებში პროექტისათვის გამოყოფილმა ჯამურმა თანხამ შეადგინა 4 869 860 ლარი. როგორც ქვემოთ მოცემული დიაგრამიდან ჩანს, აღნიშნული თანხა წლების მიხედვით ზრდადია და აღნიშნული ზრდის მაჩვენებელი 83%-ია.

დიაგრამა 5

შეზღუდული შესაძლებლობის მქონე ბავშვთა და მოზარდთა საკურორტო მომსახურებისათვის 2017-2021 წლებში გადარიცხული თანხები



3. სოციალურად დაუცველი 18 წლამდე შეზღუდული შესაძლებლობის მქონე პირების დახმარება

პროგრამა ითვალისწინებს 18 წლამდე ასაკის, ქ. თბილისში რეგისტრირებული 150 000 და ნაკლები სარეიტინგო ქულის მქონე, შეზღუდული შესაძლებლობის მქონე პირთათვის ფინანსური დახმარების გაწევას.

პროგრამის ფარგლებში ბენეფიციის ოდენობაა 800 ლარი, რომელიც გაიცემა კალენდარული წლის განმავლობაში ორჯერადად 400-400 ლარის ოდენობით, მაისისა და დეკემბერის თვეებში.


ცხრილი 1
სოციალურად დაუცველი 18 წლამდე ასაკის შეზღუდული შესაძლებლობის მქონე პირების
რაოდენობა და გადარიცხული თანხები 2017-2021 წლებში

წელი	2017	2018	2019	2020	2021
რაოდენობა	760	986	963	1 090	1 286
თანხა	607 600	788 400	770 000	871 600	966 000


ქვემოთ მოცემული დიაგრამა გვიჩვენებს 2017 – 2021 წლებში სოციალურად დაუცველი 18 წლამდე ასაკის შეზღუდული შესაძლებლობის მქონე პირთა რაოდენობებს სქესის მიხედვით. ზემოაღნიშნული პერიოდის განმავლობაში, ბენეფიციართა ჯამურმა რაოდენობამ 5 084 შეადგინა. წლების მიხედვით მზარდია აღნიშნული რაოდენობა და 759-დან 1 286-მდე დიაპაზონში იცვლება. ნებისმიერი წლისთვის კაც ბენეფიციართა რაოდენობა აღემატება ქალ ბენეფიციართა რაოდენობას.

დიაგრამა 6. სოციალურად დაუცველი 18 წლამდე ასაკის შეზღუდული შესაძლებლობის მქონე პირების რაოდენობა, საშუალოდ ერთ ეტაპზე 2017-2021 წლებში

ქვემოთ მოცემული დიაგრამა ასახავს თბილისის მერიის ჯანდაცვისა და სოციალური მომსახურების საქალაქო სამსახურის მიერ აღნიშნული პროექტის ფარგლებში გამოყოფილი თანხების ოდენობას 2017-2021 წლებში. აღნიშნულ პერიოდში პროექტისათვის გამოყოფილმა ჯამურმა თანხამ 4 003 600 ლარი შეადგინა.



დიაგრამა 7. სოციალურად დაუცველი 18 წლამდე ასაკის შეზღუდული შესაძლებლობის მქონე პირებზე გადარიცხული თანხები, საშუალოდ ერთ ეტაპზე 2017-2021 წლებში



საინტერესოა, აღნიშნული პროექტის ფარგლებში ბენეფიციართა რაოდენობის განაწილება ასაკობრივი ჯგუფების მიხედვით. მონაცემთა დამუშავების ანალიზმა აჩვენა, რომ - 0-5 ასაკის ბენეფიციართა რაოდენობა 12.1%-15.8%-ის დიაპაზონშია, 6-11 ასაკის მქონე ბენეფიციართა რაოდენობა მერყეობს - 44.2%-46.6%-ს შორის, 12-17 ასაკის მქონე ბენეფიციართა რაოდენობა კი - 39.5%-42.7%-ს შორისაა.

ქვემოთ მოყვანილ ცხრილებში მოცემულია 2017-2021 წლებში, საშუალოდ ერთ ეტაპზე, სოციალურად დაუცველი 18 წლამდე ასაკის შეზღუდული შესაძლებლობის მქონე პირთა რაოდენობები ასაკობრივი ჯგუფების მიხედვით და შესაბამისად, მათზე გადარიცხული თანხები.

ცხრილი 2

სოციალურად დაუცველი 18 წლამდე ასაკის შეზღუდული შესაძლებლობის მქონე პირების რაოდენობა, საშუალოდ ერთ ეტაპზე, ასაკობრივი ჯგუფების მიხედვით 2017-2021 წლებში

წელი	2017	2018	2019	2020	2021
0-5	240	300	234	272	167
6-11	679	872	870	1016	576
12-17	599	802	824	892	543
სულ	1 518	1 974	1 928	2 180	1286

ცხრილი 3

სოციალურად დაუცველი 18 წლამდე ასაკის შეზღუდული შესაძლებლობის მქონე პირებზე გადარიცხული თანხები, საშუალოდ ერთ ეტაპზე, ასაკობრივი ჯგუფების მიხედვით 2017-2021 წლებში

წელი	2017	2018	2019	2020	2021
0-5	96 400	119 600	93 200	108 800	118000
6-11	271 600	348 400	347 600	406 400	444000
12-17	239 600	320 400	329 200	356 400	404000
სულ	607 600	788 400	770 000	871 600	966000

დასკვნა

მოპოვებული და დამუშავებული სტატისტიკური ინფორმაცია მეტყველებს იმაზე, რომ ქალაქ თბილისის მუნიციპალიტეტის მერია, ადგილობრივ დონეზე, მუდმივად უზრუნველყოფს დამოუკიდებელი ცხოვრების მხარდაჭერისა და სოციალური ინკლუზიის პროგრამების შემუშავებასა და დანერგვას შეზღუდული შესაძლებლობის მქონე პირთათვის. აღნიშნული ძალზედ მნიშვნელოვანია ამ პირთა პოლიტიკურ, ეკონომიკურ, საზოგადოებრივ, კულტურულ, სოციალურსა თუ სპორტულ ცხოვრებაში სრულად ჩართულობისათვის. ზემოთნახსენები პროგრამების ფარგლებში მერიის მიერ გაწეული მომსახურებისა და ფინანსური დახმარების დინამიკის მაჩვენებლები კი, როგორც ამას მოპოვებული მონაცემების ანალიზი აჩვენებს, 2017-2021 წლებში ზრდადია. აღნიშნულ პერიოდში მერიის მიერ დაფინანსდა სულ 11 პროგრამა. იმ სამი პროგრამის დაფინანსებისათვის, რომელზედაც სტატიაშია საუბარი, ქალაქ თბილისის ბიუჯეტიდან გაცემულმა თანხამ 2017 – 2021 წლების მიხედვით შეადგინა შესაბამისად 2 246 331,5; 2 342 952,2; 2 624 749,4; 2 881 509,9; 3 074 980,5 ლარი, ჯამურმა თანხამ კი 13 170 524 ლარი.

მსოფლიოში მუდმივად მიმდინარე სოციალური, ეკონომიკური თუ სხვა ცვლილებები სერიოზულ გავლენას ახდენს შეზღუდული შესაძლებლობების მქონე ადამიანთა ჯგუფებზე. მიუხედავად იმისა, რომ დღეს მრავალ ქვეყანაში და მათ შორის საქართველოშიც, არსებობს ამ ადამიანთა დაცვის არაერთი მექანიზმი, მუდმივად განვითარებად სამყაროში შეზღუდული შესაძლებლობების მქონე ადამიანთა წინაშე, როგორც წესი, ჩნდება ახალი სოციალური, ეკონომიკური თუ უსაფრთხოების რისკები.

ამდენად ძალზედ მნიშვნელოვანია ჩვენი საზოგადოების ამ ნაწილის მხარდაჭერა და გაძლიერება, როგორც სახელმწიფოს, ასევე საზოგადოების მხრიდან.

გამოყენებული ლიტერატურა:

1. 2017 – 2021 წლების ქალაქ თბილისის ბიუჯეტი;
2. ქალაქ თბილისის მუნიციპალიტეტის მერიის ჯანდაცვისა და სოციალური მომსახურების საქალაქო სამსახურის 2017 -2021 წლების სტატისტიკური კრებულები;
3. ქალაქ თბილისის მუნიციპალიტეტის მერიის ვებ. გვერდზე <http://tbilisi.gov.ge/> განთავსებული ინფორმაცია;
4. საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტროს სსიპ სოციალური მომსახურების სააგენტოს ვებ. გვერდზე http://ssa.gov.ge/index.php?lang_id=&sec_id=1540 განთავსებული ინფორმაცია;
5. საქართველოს სტატისტიკის ეროვნული სააგენტოს ვებ. გვერდზე <https://www.geostat.ge/ka/modules/categories/41/mosakhleoba> არსებული მონაცემები.